

EDITORIAL

Bugbogen ti protesta ti korapsyon ti rehimen US-Marcos

Idi napan a tawen, impannakel ni Marcos a nasurok 5,500 proyekto a *flood control* ti inleppas ti gubyrerno na kas solusyon iti nasaknap a panaglayus. Ngem ti kababain kalpasan ti mano manen a daras a panna-kaulit ti nakakaro a panaglayus, ni Marcos ket nagbuggo ti ima na ken nagisawang ti "agbain kayo met" bayat a nakatudo kadagiti kontraktor kadagitoy a binilyon a proyekto ken kadagiti kakunsabos da a pulitiko.

Agindadalus ni Marcos, idinto nga isuna mismo ti nagisagana ken nakapirma iti badyet a nangilatang ti dumakdakkal a pondo para kadagiti pagbagasan a proyekto a *flood control*. Dandani kagudwa a trilyon a piso ti inlatang na iti daytoy a naanomalya a proyekto iti napalabas a dua a tawen a 60.7% a dakdakkal ngem idi 2022-2023. Kas ken Marcos, agbugbuggo met ti ima dagiti agkakakumplot ken agkakaribal a pulitiko. Direkta man wenno saan, karaman kadagiti anomalya dagiti senador ken kongresista, dagiti upisyal ti Department of Public Works

and Highways (DPWH), Department of Budget and Management, uray ti nadumaduma nga ahensya ti gubyrerno ken ti mismo a Malacañang.

Kadagiti napalabas a lawas, rimwar dagiti nakaro nga anomalya kadagitoy a proyekto a ti adu ket saan a nalpas, nababa ti kalidad da wenno saan man laeng a narugyan uray naiparuk-aten ti pondo. Naibunannag ti binilyon a piso a kupkupiten dagiti agkukunsabos a burukrata-kapitalista ken kontraktor.

Balbaliw a naimatangan ti umili nu kasano nga agak-akop da ti binilyon a piso manipud kadagiti pang-

publiko a proyekto, iti langa ti pasuksok wenno komisyon. Mapagsasaritaan nga agingga 60% ti gatad ti maysa a proyekto ket ibulbulsu ti upisyal ti reaksyunaryo a gubyrerno iti nadumaduma a tukad. Nangrugi pay idi pay panawen ti diktadura a Marcos, maar-aramiden ti sistema nga agingga 10% kadagitoy a proyekto ket maiyul-uli agingga iti tuktok ti Malacañang, kasukat ti pabor ken proteksyon ti gubyrerno.

Ti panagilista ni Marcos kadagiti kadakkelan a kontraktor iti Pilipinas ket kapada ti "drug list" nga ipampannakel idi ni Duterte, saan a tapno kamaten dagiti *drug lord* iti likod ti linnakwan ti ilegal a droga, nu di ket tapno pagrukmaen isuda iti turay ken bayadan ti proteksyon na. Ti panangpuntirya tatta ni Marcos iti sumagmamano a kontraktor, dagiti pulitiko ken kuniber nga upisyal ket pammarang a panagdalus ti gubyrerno, a ti pudno a panggep na ket pagrukmaen dagitoy ken nair-irut a kontrolen ken bukodan ti kurakot iti estado.

Rumbeng a mawatan tayo nga adu kadagiti proyekto a *flood control*, a dagiti kadakkelan ket pakaibilangan ti panangitakder ti sementado a pader iti takdang dagiti karayan (maaw-awagan nga emban-



king), ket saan a solusyon, nu di ket mangitungtunda pay ketdi ti nakarkaro a panaglayus. Imbes a risuten dagiti rason ti panagrabaw dagiti karayan (kas ti siltasyon gapu iti panagtroso, panagminas, panagkwari ken dadduma pay nga operasyon a managdadael kadagiti kabambantayan), inyakar laeng dagitoy a proyekto ti layus kadagiti nababbaba a lugar, ken pappapigsaen ken pagbalbalinen nga ad-adda a managdadael ti panagayus ti danum.

Kinapudno na, awan ti kainaigan dagitoy a dadakkel a proyekto a *flood control* iti panangrisut kadagiti layus. Daytoy laeng ti kabarwan a "paborito" a proyekto a pang-imprastruktura a pagkukwartaan dagiti burukrata-kapitalista ken tau-tauhan a kontraktor. Nangrugi nga immadu dagitoy iti panawen ni Duterte (dandani 14,000). Sakbay dagiti proyekto a *flood control*, "paborito" da a proyekto dagiti haywey, *flyover*, rangtay, eropwerto, dagiti sangladan ken ballasiwan. Ditoy a mabusbusbos ti pondo ti pagilyan imbes a maipupuonan kadagiti produktibo a sektor ti agrikultura ken manupaktura.

Ti dumadakkel a pondo a magasgastar kadagiti saan a produktibo a proyekto a pang-imprastruktura

ra ket paset ti idurduron a prayoridad dagiti imperyalista nga ahensya iti pinansya, kas ti International Monetary Fund, World Bank, Asian Development Bank, Japan International Cooperation Agency ken dadduma pay. Iti rehimen ni Marcos, ad-adda a dimmakel ti pondo para iti imprastruktura, manipud ₱2.5 trilyon idi 2022-2023 agturong ti ₱3.07 trilyon idi 2024-2025. Dakkel a paset dagitoy ket pang-asmang iti gangannaet a pautang. Ni Marcos ken dagiti burukrata-kapitalista ti agserserbi nga ahente dagitoy a gangannaet nga imperyalista a bangko.

Dagiti burukrata-kapitalista ket sarabusab kadagiti "proyekto a pang-imprastruktura" gapu iti kinapardas ti panagakop da ti aglaplapanan a kinabaknang manipud kadagitoy. Naigumon met kadagitoy a proyekto dagiti pasista nga upisyal ti militar ken ti NTF-Elcac. Dakkel a paset ti pondo ti pagilyan ti nakailatang iti panagitakder kadagiti kampo ti militar ken ti "panangpapintas" kadagitoy, karamanen ti binilyon a piso a napnuan anomalya ken awan mamaay na a proyekto iti uneg dagiti "Barangay Development Program."

Ti korapsyon wenno panagtakaw

iti pondo ti pagilyan ket basaran nga aspeto ti burukrata kapitalismo. Dagiti burukrata-kapitalista ken dagiti kasabawat da ket agak-akop ti higgante a kinabaknang babaen ti bileg ti estado. Kakumplot da dagiti dadakkel a burges kumprador ken apo't daga a dinastiya iti pulitika, ken ar-aramaten da dagiti armado a pwersa ti estado tapno pawilan ti panaglabaan ti umili.

Umili ti mangbakkaklay iti korapsyon dagiti burukrata-kapitalista, dagiti alipures ken dagiti kasabawat da kadagiti anomalya iti guberno. Bayat a tumtumpaw da iti kinabaknang, malmalmes met ti umili iti layus ti kinarigat ken bisin. Bayat a naimas ti turog da kadagiti mansyon ken komportable kadagiti narabayuboy a luglugaan da, minilyon a nakurapay ti agbibyag iti danag a maanud da iti napigsa a layus tunggal agtudo.

Nauneg, nakaro ken nainkalin-tegan ti pungtot ti umili. Kakarwan ti gura da ken mismo a Marcos a numero uno nga agtatakaw iti pondo ti umili. Dagiti taripnong, panagiyeckas ken tignay-protesta iti napalabas nga al-aldaw ket mangipakita iti agluplupyas nga unget da laban ken Marcos ken ti burukrata kapitalismo.

Ti pukkaw da ket pagsungbatan ni Marcos ken dagiti alipures ken kasabwat na iti panagpabaknang iti poder. Gapu ta siaammo da nga awan ti mapasamak kadagiti imbestigasyon ti kongreso man wenno Malacañang, usto laeng a paadwen ken pasaknapen da dagiti protesta iti kalsada tapno maipamatmat iti nadumaduma a wagas ti pungtot ti nalawa a masa ti umili.

Kasapulan a riingen, organisasyon ken patignayen ti umili tapno labanan ken gibusan ti mangidadanes a sistema a malakolonyal ken malapudal, ken ti naindasigan a panagari dagiti burukrata-kapitalista, dadakkel a burges kumprador ken apo't daga. Ti tarigagay ti umili para iti hustisya iti gimong, pudno a demokrasya ken wayawaya ket magun-od laeng babaen ti rebolusyonaryo nga armado a dangadang.

 Tawen LVI No. 17 Setyembre 7, 2025	
Ti Ang Bayan ket maipabpablaak iti lenggwahe a Pilipino, Bisaya, Iloko, Hiligaynon, Waray ken Ingles. Agawawat ti Ang Bayan kadagiti kontribusyon nga artikulo ken damdamag. Maallukoy met dagiti agbasbasa nga agidanun kadagiti dillaw ken rekomendasyon para iti panagdur-as ti pagiwarnak tayo. Linaon Editorial: Bugbogen ti protesta ti korapsyon ti rehimen US-Marcos1 Dagitoy ambus ti NPA idia Bicol, Negros, balligi3 Marcos, dagiti kontratista, pagsungungbatan3 Dagitoy protesta3 Balangay ti PKM, naitakder idia Negros4 4 aktibista ken mannalon, ilegal a naaresto5 Dangadang ti mangmangged5 Panagabante ti agtutubo a Pilipino6 Panagbase ti tropa nga Australian iti Pilipinas7 Panagminas idia N. Vizcaya ken Benguet, nasupyat7 Pammadayaw kadagiti Martir ti Agosto ti Panay7 Iti ababa a sarita8 Pangta ti panagpalawa ti plantasyon a komersyal9 Rehimen Prabowo, rinaut dagiti protesta10	
Ti Ang Bayan ket ipabpablaak ti Komite Sentral ti Partido Komunista ng Pilipinas dua a daras iti tunggal bulan  ang.bayan@cpp.ph	

Dagiti ambus ti NPA idiy Bicol ken Negros, balligi

INAMBUS TI MAYSA a yunit ti New People's Army (NPA)-Albay (Santos Binamera Command) ti agop-operasyon a 16-katao nga iskwad ti 49th IB idi Agosto 21 idiy Barangay Palapas, Ligao City, Albay. Saan a bumaba iti tallo a pasista a soldado ti napatay ken maysa pay ti naiyulat a nasugatan iti ambus.

Segun iti ulat ti NPA-Albay, gangandaten dagiti tropa ti 49th IB nga umasideg iti kampo ti hukbo ti umili tapno ireyd ti yunit. Kuna daytoy, nambantayan ti masa ti garaw dagiti pasista a tropa isu a dagus a nakaaramid ti mapanggeddeng nga addang ti yunit ti hukbo tapno patamaan daytoy.

Idiy Negros Occidental, inambus ti NPA-South Central Negros (Romeo Nanta Command) ti tropa ti 94th IB ken CAGU nga agop-operasyon idiy Sityo Balao, Barangay Tan-awan, Kabankalan City idi Setyembre 4. Tallo ti nadunor kadagiti pasista a soldado.

Aktibo a depensa. Idiy Aurora, maysa a soldado ti 91st IB ti nasugatan iti aktibo a panagdepensa ti maysa a yunit ti NPA-Aurora (Domingo Erlano Command) idi Agosto 21 ti malem idiy Sityo Aguses, Barangay Matawe, Dingalan. Tallo a bulanen ti *focused and sustained military operations* ti 91st IB idiy Dingalan ken kadagiti kaabay nga ili daytoy.

Kadagiti napalabas a lawas, agsasaruno dagiti naiyulat nga armado nga aksyon ken aktibo a depensa dagiti yunit ti NPA laban iti umat-atake a tropa ti Armed Forces of the Philippines. Malaksid idiy Albay ken Aurora, naimaldit dagitoy idiy Masbate, Oriental Mindoro, Quezon ken Capiz.

Panpanekneknan dagitoy a serye ti labanan nga inuulbod ti pablaak ni Ferdinand Marcos Jr idi Hulyo nga "awanen ti grupo a gerilya" iti pagilayan.

Marcos, dagiti kunniber a kontratista, pagsungungbaten ti umili

AGSASARUNO A PROTESTA ti insayangkat dagiti progresibo a grupo laban iti rehimen Marcos ken dagiti kontratista a sangkot iti korapsyon ken anomalya kadagiti proyekto a *flood control* ken dadduma pay nga imprastruktura. Naaramid dagiti tignay idi Setyembre 4 ken Setyembre 5 iti panangiyuna ti Bayan. Adda met ti taray laban iti korapsyon idiy University of the Philippines-Diliman idi Setyembre 7 a dinar-ayan ti nasurok 1,000 katao.

Dinarup ken pinampag met dagiti grupo a pangkalikasan ken biktima dagiti kalamidad idi Setyembre 4 ti upisina idiy Pasig City ti St. Gerard Construction, a sanikwa dagiti Discaya, a maysa kadagiti kontratista nga imbwelto iti korapsyon nangruna kadagiti bulok a proyekto a *flood control*. Binarsak da ti pitak ti logo ken tarangkaan ti kumpanya kas panangipakita ti pungtot da.

Iti kapada nga aldaw, dinarup dagiti kameng ti Anakbayan ti nailyan nga upisina ti DPWH idiy Manila. Kagiddan daytoy ti protesta ti grupo a KYUSI 4 Truth and Accountability idiy Quezon City ken ti Bayan-National Capital Region ken ONE Taft idiy Pedro Gil. Idiy Marikina City, nagprotesta dagiti babbai iti panangiyuna ti Gabriela Women's Party.

Idi Setyembre 5, nagkakadwa dagiti grupo iti panangpampag iti House of Representatives idiy Quezon City tapno kundenaren ti DPWH ken ni Marcos. Inrana da ti tignay iti panagdengngeg para iti badyet ti departamento. Maysa a protesta met ti inyuna ti Bayan-Central Visayas iti DPWH Region 7 idiy Cebu City. Idiy Pampanga ken Bulacan, nagprotesta ti Bayan-Central Luzon iti napalabas a lawas.



Abusado a warden iti pagbaludan idiy Negros, napadisi. Napadisi idi Agosto 28 ti abusado a warden a ni Atty. Crisyrel P. Awe ti Negros Occidental District Jail-Male Dormitory kalpasan ti 4-araw a protesta ti agarup 600 balud, kabilang dagiti balud-pulitikal. Ti tignay ket sungbat da iti agtutuon a kaskaso ti panaglabsing iti karbengan da iti uneg ti pagbaludan iti panangiyuna ni Awe. Kabilang kadagiti basaran ti panagsukat ken Awe ket dagiti kaso ti panaglipit ken pammutbuteng kadagiti lider dagiti balud, saan a panagtungpal kadagiti immuna a katulagan ken dadduma pay a saan a nainkalintegan nga aramid. Kas suporta, nagpiket met iti ruar ti pagbaludan dagiti pamilya dagiti balud.

Iparang dagiti desaparesido. Nagprotesta idiy Manila ti Desaparecidos Philippines ken dagiti grupo iti karbengan-*tao* idi Agosto 30 kas pananglagip iti International Day of the Disappeared. Inyawag da nga iparang ti amin a dinukot ken pwersado a pinukaw dagiti pwersa ti estado ti Pilipinas. Iti rehimen Marcos, saan a bumaba iti 15 ti biktima ti pwersado a panagpukaw. Naisayangkat ti kapada a protesta iti syudad ti Baguio, Iloilo, Cebu ken Los Baños idiy Laguna.

Dagiti migrante iti US, nagkaykaysa. Adda iti 850 migrante idiy US, kabilang dagiti Pilipino ti nagprotesta idiy Tacoma, Washington tapno iyawag ti panagsardeng ti saan a makatao a panagtrato kadagiti balud kadagiti pasilidad ti ICE, panagkamat kadagiti migrante ken saan a nainkalintegan a deportasyon. Naiyaramid ti tignay kalpasan a maangay ti kumperensya a nangpagkaykaysa iti 100 organisasyon manipud iti US ken iti sabali a pagilyan iti Defend Migrants Alliance.

Koresponsal:

Balangay ti PKM, naitakder iti tengnga ti operasyon militar idiaay Negros

Determinado ti Partido, New People's Army ken intero a rebolusyonaryo a tignay idiaay Negros a patibkeren ti base a masa iti saklaw daytoy. It-ited da ti sibubukel a pigsa, kinatured ken awan panagdudwa a panagipatungpal iti gawaing masa iti tarabay ti tignay panagilinteg iti sango ti awan sarday nga operasyon militar iti larangan gerilya.

Iti dandani makabulan ti Agosto, pinairteng ken pinalawa ti AFP ken SAF-PNP ti operasyon militar iti kabambantayan ti maysa a larangan iti Negros. Naipakat ditoy ti nasurok 600-700 pwersa iti 32 kolum (9-12 elemento) ti pasista a tropa manipud iti lima a batalyon ti militar ken maysa a batalyon ti pulis. Nakaalerto met dagiti elemento ti CAFGU kadagiti detatsment ken *patrol base* iti kanito nga adda mapasamak a rinupak ti militar ken dagiti yunit ti NPA.

Panggep ti napuskol a presensya ti kabusor a pawilan ti base a masa, kubongen ken parmeken dagiti yunit ti hukbo ti umili ken sibubukel a rebolusyonaryo a tignay iti saklaw ti larangan gerilya.

Ar-aramaten ti AFP ken PNP dagiti simmuko a traydor iti masa ken rebolusyon. Agserserbi da a giya tapno sugoden ti lugar, agimula ti buteng ken pwersado nga agpasuko kadagiti sibilyan. Sumursurot da kadagiti soldado iti panag-espiya, panagala ti ladawan iti balbalay ken indibidwal nga at-atapen da a sumup-suporta iti NPA iti linged dagiti peke a sensus. Bayat nga agdakdakiwas dagiti ahente ken soldado kadagiti komunidad, adda dagiti soldado a nakapakat iti nangangato ken estratehiko a tereyn. Agserserbi da a *blocking force* kadagiti nasulineken a lumsotan ken dalan agturong iti kaabay a baryo.

Panangpatibker iti base a masa

Iti tengnga daytoy, balbaliw a



naitakder dagiti naan-anay a timpuyog ti masa (ganap na samahang masa/GSM) idiaay Marcia, maysa kadagiti baryo a saksakupen ti kabuklan nga operasyon militar. Mayorya kadagiti residente ditoy ket agtaud iti basaran a dasig. Kaadwan kadakwada ket makitalton iti apo't daga a saan nga agindeg iti barangay.

Narigat ti biag dagiti mannalon iti Marcia. Biktima da ti pyudal ken malapyudal a panaggundaway. Ingkatlo ti bingay da iti produkto da. Kadagiti matangtangdanan, ₱300 ti inaldawan ken ₱500 met iti pakyan a patrabaho. Nalatlatok ditoy ti pakyaw a pamuspusan iti panagtrabaho ngem ti inaldawan. Tapno manayunan ti sapul da, dagiti mannalon ket agtataraken ti ayup a panglako.

Asideg iti baryo dagiti detatsment ti CAFGU ken *patrol base* ti AFP. Kadagiti napalabas a tawen, ti baryo ket nakapadas ti nakaro a militarisasyon nu sadinno a nakaam-ames dagiti abuso a militar ken krimen iti gubat dagiti soldado.

Iti sango daytoy, dagiti residente ti Marcia ket nairut nga agkaykaysa tapno rimbawan dagiti parikut a sangsangwen da iti ekonomya, pulitika, kultura ken militar. Ginasut a pamilya, nga addaan 2,000 nga indibidwal, ti pumapauneg kadagiti balangay ti Pambansang Katipunan ng mga Magbubukid (PKM), Makibaka

ken Kabataang Makabayan (KM). Dandani maysa a platoon ti milisyang bayan ti napatignay iti depensa, dagiti tim ti yunit pangdepensa iti baryo iti tunggal sityo ken adda ti sangay ti Partido iti lokalidad a mangidadaulo iti baryo.

Panagitakder ti balangay

Naangay itay nabiit ti asembleya tapno balbaliw nga itakder ti balangay ti PKM iti baryo. Ti aktibidad ket naluktan iti oryentasyon iti seguridad. Dinayaw ti kumander ti hukbo ti kinatured ti masa a nangiduron nga ituloy ti pulong masa iti laksiid a tallo a kilometro laeng manipud iti pwesto da ti agop-operasyon a militar.

Iti pulong masa, sistematiko a tinalantan da, iti panangidaulo ti instruktur iti pulitika ti hukbo, dagiti nakasagana a dokumento ti panaglagom iti tignay iti lugar, ti pakasari-taan, maudi a resulta ti panagsukisok iti gimong, suhetibo a sitwasyon, istruktura ken akem, 1-tawen a programa ken dagiti patakaran ti rebolusyonaryo nga organisasyon ti masa iti baryo. Nagtalmeg da iti rebolusyonaryo a pakasaritaan ti baryo. Nalatak ti diskusyon iti panagtinnulong ti intero a tignay manipud pay dekada 1960 iti panawen ti KM, dekada 1970 iti panawen ti linteg

Suruten iti panid 5

4 nga aktibista ken mannalon, iligal a naaresto

Tallo a kaso ti panagaresto, maysa a kaso ti panagbomba ken dagiti kaso ti sarbeylans ken panaglipit ti naiyulat a panaglabsing iti karbengan-tao daytoy napalabas a dua a lawas.

Idiay Southern Leyte, inaresto dagiti pwersa ti estado ti agtawen 61 a ni Felixberto Consad, myembro ti Piston idiay Butuan City, iti balay na idiay Sogod idi Agosto 14. Indarum da ti kaso a pammapatay ken impan da idiay Sogod Police Station. Ni Consod ket agindeg idiay Southern Leyte tapno liklikan ti panaglipit ti militar.

Idiay Rizal, dua a residente ti Sityo Rawang, Barangay Tandang Kutyo, Tanay ti naaresto idi Agosto 29. Dagiti biktima ket naaresto gapu iti panagtakder da, kadwa da ti komunidad, laban iti panagkamkam ti daga ti pamilya a Chua-Tan ken Sta. Lucia Corporation iti erya.

Idiay Camarines Norte, kinemmeg dagiti soldado ti 16th IB ni Faye Margarette Tallow, maysa nga organisador dagiti mannalon, iti Barangay Malibago, Labo idi Setyembre 4. Rineyd ti militar ti balay a pagdagdagusan ni Tallow ken idiay da a pinidot. Agingga tatta ket saan pay nga imparparang ti militar isuna.

Idiay Cavite, pinilaan ti pinarbo a kaskaso ti 2nd CMO Battalion da Jojo Mercado, Miriam Villanueva ken dadduma pay a residente ti Purok 5, Barangay Langkaan 1, Dasmariñas gapu iti panangpatalaw da kadagiti soldado iti komunidad ken panagkedked da a lakwan dagiti elemento ti batalyon kadagiti tersena da.

Panagbomba. Riniribuk ti napipigsa a bomba, kanyon ken panagistraping dagiti yunit ti AFP ti kinaulimek ken oras ti panaginana dagiti residente ti Tapaz, Capiz idi alas-2:30 ti parbangon ti Agosto 22. Nangitunda daytoy ti nakaro a buteng ken nangpwersa iti sumagmamano a pamilya a pumanaw manipud iti komunidad da.

Panagtiktik. Kinasarita ken tiniktikan ti maysa a pulis dagiti kameng ti Pamalakaya-Navotas idi maudi a lawas ti Agosto. Dagiti ahente a pulis a nagpakaammo a taga-Bureau of Fisheries and Aquatic Resources ket dimmawat ti impormasyon ken nangidyaya ti kwarta kasukat ti impormasyon kanaig iti grupo. Tapno ibunannag ti panagtiktik, kinompronta ti grupo ti pulis idi Agosto 31 iti maysa a restawran.

Manipud iti panid 5

militar ni Marcos Sr, ken panagsangpet ti hukbo ti umili iti baryo agingga iti agdama.

Sakbay ti aktibidad, naiyaramid ti serye dagiti pulong-konsultasyon ti Partido, yunit ti NPA ken responsable a lider masa iti baryo. Naaramid ti komprehensibo a plano basar iti kabuklan a plano ti komite iti larangan ken seksyon komite ken iti aktwal a garaw ti kabusor. Iti makalawas, nai-lista dagiti trabaho ken rekisitos iti panagipatungpal ti plano kas ti panaglagom, panagsukisok ken panagbukel ti plano. Naiyaramid ti umuna a pulong tapno talantanen dagiti borador ken adalen dagiti naisagana a dokumento. Naaramid a kampanya ti panangpagkaykaysa iti sibubukel nga organisado a masa kadagitoy a dokumento kagiddan ti kampanya iti panagadal ti Rebolusyon. Naaramid met a kampanya ti panangrepaso iti rebolusyonaryo a tarabay iti reporma nga agraryo, a maysa kadagiti basaran a dokumento ti CPP.

Maikadwa a paset: Tignay panagilinteg ken ti panangitakder ti timpuyog ti masa.



Panagikkat iti Wyeth, nasupyat. Binatikos ti Wyeth Philippines Progressive Workers Union (WPPWU-DFA-KMU) ti iskema a "cluster crew" a plano nga ipatungpal ti kumpanya iti pabrika. Segun iti unyon, pamuspusan daytoy ti pleksibilisasyon a mangnayon ti trabaho ti mangmangged, panagakar iti sabali a seksyon iti produksyon ken posible nga agtungpal iti panagikkat kadagiti mangmangged.

Rimwar ti plano a panagipatungpal ti "cluster crew" iti panawen nga agiyar-aramid ti negosasyon dagiti mangibagi ti WPPWU ken idaulwan ti Wyeth para iti baro a CBA a narugyan idi Hunyo. Isaksakad ti unyon iti negosasyon ti ₱15,000 nayon a sweldo iti unos ti tallo a tawen, nayon a benepisyo ken regularisasyon kadagiti kontraktwal.

Maika-100 aldaw ti welga iti Kawasaki, nalagip. Nagtitipon dagiti mangmangged ti Kawasaki United Labor Union (KULU) idi Agosto 29 tapno lagipen ti maika-100 aldaw ti welga nga inkasa da gapu iti *deadlock* iti negosasyon iti CBA. Nagprograma da iti sanggo ti hedkwarters ti Kawasaki Motors Phils Corporation (KMPC) idiay Muntinlupa City. Nakikaykaysa iti programa ti Kilusang Mayo Uno ken dagiti unyon daytoy.

Mangmangged nga inikkat ti Nexperia, naisubli. Kalpasan ti mano a bulan a panangirupir ken panangipila ti kaso iti Dole, naipangabak ti Nexperia Philippines Inc. Workers Union (NPIWU-NAFLU-KMU) idi Agosto 18 ti panangpasubli iti trabaho ti dua a mangmangged ken lider ti unyon nga iligal nga inikkat ti kapitalista. Segun iti desisyon, kasapulan a maisubli ti dua iti dati a pusisyon da, pagtalinaeden ti *seniority rights* da, ken bayadan ti amin a saan da a naawat a sweldo ken benepisyo manipud Marso agingga iti panagsubli da iti trabaho. Naikkat ti dua ken ti dua pay nga upisyal ti unyon idi Disyembre 2024 iti pammabasol ti "panangtubeng" iti panagruar-serrek dagiti produkto iti kumpanya.

Panagabante ti patriyotiko ken demokratiko a dangadang ti kabataan a Pilipino

Iggem dagiti plakard, bandera ken megaphone, sipipinget nga iyab-abante ti kabataan a Pilipino ti patriyotiko ken demokratiko a dangadang da iti sango ti pinainget nga atake ti rehimen Marcos ken National Task Force-Elcac laban kadakwada. Saanda nga agul-ulimek ken agkedkedked da nga agtakrot ken agrukma iti pasista a diktat ti estado.

Kadagiti napalabas a lawas, nadumaduma nga aktibidad ti inyuna ken dinar-ayan ti kabataan tapno ibunannag ken batikusen dagiti kontra-umili a patakaran ti rehimen Marcos. Iti uneg ken ruwar dagiti pagadalan, makipaspaset da kadagiti dangadang ti umili.

Panagtignay kadagiti unibersidad

Ginasut a kabataan-estudyante ti nakipaset kadagiti demonstrasyon ken aktibidad iti pribado ken pangpubliko nga unibersidad tapno sabaten ti panaglukat ti klase iti napalabas a bulan. Pinalatak da kadagiti tignay ti isyu ti edukasyon, panangitandudo iti demokratiko a karbengan da ken pananglaban iti panangipawil iti akademiko a wayaway.

Nasurok 1,300 kabataan ti nagprotesta iti Polytechnic University of the Philippines (PUP) idiy Sta. Mesa idi Setyembre 2 tapno rugyan ti baro nga akademiko a tawen. Iti University of the Philippines (UP)-Los Baños, dimmanun iti 500 ti nagtignay nga estudyante idi Agosto 12. Ginasut met ti nakipaset kadagiti rali iti dadduma pay a kampus ti UP manipud Baguio, agturong Diliman, agingga Visayas ken Mindanao.

Naaramid met dagiti tignay iti Technological University of the Philippines Manila, Cavite State University, Southern Luzon State University idiy Quezon, iti Bicol University ken Western Visayas State University idiy Iloilo.

Kalpasan ti mano a tawen, balbaliw met a nakapagtitipon ti Samahan ng mga Mag-aaral sa Kalinga, maysa nga organisasyon iti Kalinga State University (KSU) idi Agosto 30 idiy Tabuk City. Ti grupo ket dati a bigbigbigen ti unibersidad ngem nai-

sardeng idi na-red-tag iti duron ti NTF-Elcac ken AFP idi 2021.

Kadagiti pribado a pagadalan, nagikasa ti tignay dagiti kabataan iti Saint Louis University idiy Baguio City, iti Adamson University, Ateneo de Manila University, De La Salle University ken dadduma pay nga unibersidad. Saanda a nagbuteng iti represyon ti administrasyon, pangta ti suspensyon ken dadduma pay a managdusa nga addang.

Ruwar iti kampus

Ti kabataan ket saan nga agpakpakulong kadagiti isyu iti uneg ti kampus. Militante nga agmarmartsa da kadagiti kalsada a kadwa dagiti mangmangged ken nakurapay iti syudad ken agturturong da iti kaawayan tapno makikaykaysa iti masa a mannalon ken nailyan a minorya.

Dagiti kabataan ket makikaykaysa tatta iti panangbatikos ti umili kadagiti naanomalya ken napnuan korapsyon a proyekto a flood control ken dagiti imprastruktura. Dinarup ken binarsa-barsak da ti pitak ken bulok a nateng ti upisina dagiti kontratista ken ti Department of Public Works and Highways ken im-

mawag da ti panagsungbat ti rehimen Marcos.

Nakipaset da iti laban iti demolisyon dagiti residente ti Smokey Mountain ken Malara idiy Tondo. Agtultuloy a sumupsuporta da iti laban dagiti mangmangged ken unyon ti Nexperia, iti welga iti Kawasaki ken nagturong da kadagiti piketlayn.

Rimrimbawan da ti buteng ken teror nga isaksaknap ti militar iti kaaw-awayan iti panagdar-ay da kadagiti fact-finding mission idiy Mindoro ken Quezon. Ar-aramaten da ti social media tapno ibunannag iti publiko ti umad-ado a kaskaso ti panaglabsing iti karbengan-tao iti kaaw-awayan.

Uray dagiti kabataan a Pilipino iti ballasiw-taaw ket agaw-awid iti Pilipinas tapno makipaset iti dangadang ti umili. Iti napalabas a bulbulan, pinullo a kabataan manipud US ti bimmisita iti Pilipinas tapno agadal iti dangadang dagiti sektor.

Saan nga ikaskaso ti kabataan ti gasgasen a "terror grooming" nga iskema ti NTF-Elcac kadagiti aktibidad ti sektor. Natured a pangigigeman tatta ti kabataan a Pilipino ti nairut a rebbengen ti panangriing, panangorganisa ken panangpatignay iti masa nga anakling-et. Panpandayen da ti bagabagi da ken bakkaklayen da ti sakripisyo kas sumaruno a tumawid iti dangadang ti umili a Pilipino.



Panagbase ti tropa nga Australian iti Pilipinas, estratehiya ti US

Kadagitoy napalabas a bulbulan, agsasaruno dagiti *war games* nga insayangkat ti Australia iti Pilipinas. Dagitoy ket maitunos iti estratehiko a plano ti panangsalaknib ti hegemonya ti US iti Asia-Pacific, nu sadinno a dakkel ti bentahe ti Australia.

Kabilang kadagitoy a *war games* ti Alon 2025, a naiyaramid iti daga ken kabaybayan ti Palawan, Mindoro ken dadduma pay a paset ti Luzon. Iti daytoy a *war games*, nagipatulod ti Australia ti kadakkelan a bilang dagiti soldado iti Southeast Asia manipud idi nakibiang daytoy idia East Timor idi 1999. Sakbay daytoy, insayangkat ti Australia ti Kasangga 2025, maysa a pagsasanay iti kontra-insurhensya iti Camp Kibarian idia Bukidnon.

Itay nabiit, induron metten ti Australia ti panagitakder ti bukod daytoy a base iti Pilipinas a pagbalayan ti dumakdakkel a bilang ti tropa ken ramramit da iti pagilyan.

Idi Agosto 22, pinirmaan dagiti upisyal iti depensa ti Australia ken Pilipinas ti Statement of Intent for Enhanced Defense Cooperation tapno wayaan daytoy a panggep. Naituding a mapinal ti katulagan inton 2026.

Wayaan daytoy a katulagan ti permanente a panagpwesto dagiti tropa ti Australia iti Pilipinas, ti panagisayangkat ti dadakkel a *war games* ken panagpuonan iti "imprastruktura a pangdepensa" wenno dagiti base militar. Daytoy a katulagan ket agbalin a kapada ti Enhanced Defense Cooperation Agreement (EDCA) iti baet ti Pilipinas ken US, a mangrabrangis iti soberanya ti pagilyan ken mangigalut iti pagilyan

kadagiti armado a risiris a parparub-roben ti US.

Dagiti tropa, lugan ken ramit a panggubat ti Australia ket nayon iti nakadakkelen a makinarya a militar ti US a nakapakaten iti Pilipinas.

Kabayatanna, maysa manen a base a nabal ti linuktan ti AFP, iti direksyon ti US, idia Mahatao, Batanes daytoy Setyembre. Ti base ket paset ti iket dagiti *forward operating base* nga iya-aplag ti US kadagiti isla ti Batanes (may isa pa sa isla ng Mavulis) gapu iti kinaasideg daytoy iti Taiwan.

Iti kanaig a damag, naibunannag ti pananglukat ti rehimen Marcos iti Camp Cape Bojeador idia Burgos, Ilocos Norte tapno agbalin a bodega ti bala ti US. Dagitoy a maudi nga addang ket ad-adda a mangguyguyod iti Pilipinas iti mapapainget a risiris ti US iti China.

AB

Plano a panagminas idia Nueva Vizcaya ken Benguet, sinupyat ti umili

KINUNDENAR TI UMILI ti Dupax Del Norte, Nueva Vizcaya ti plano a panagminas iti komunidad da. Idi Agosto 4, inikkan ti Mines and Geosciences Bureau ti Woggle Corporation, maysa a kumpanya a nakabase idia United Kingdom ti *exploration permit* tapno adalen ti mineral a maala iti ili. Plano ti kumpanya a sakupen ti 3,102 ektarya a daga ti lima a barangay a 10% ti nasao nga ili.

Dagus met a nagiruar ti resolusyon ti barangay Oyao laban iti panagminas ken ti sangguniang bayan a nangimandar iti kanselasyon ti mapaspasamak a *mining exploration* iti pagilyan. Nangipeksa ti panagkundenar ti Diocese of Bayombong. Nagisayangkat ti *signature campaign* dagiti residente.

Kabayatanna, immawag ti komunidad ti Barangay Bulacao, Mankayan, Benguet para iti panangwaswas iti permit ti Crescent Mining Development Corporation (CMDC) para iti Mineral Production Sharing Agreement a balbaliw a naited iti kumpanya iti laksid ti kinaawan ti free, prior and informed consent manipud kadagiti katutubo ken certification of precondition, nga intuding ti reaksiyunaryo a linteg.

Adda iti 534 ektarya a paset ti anestral a daga ti sakakupen ti proyekto ken naited met iti kumpanya ti nayon a 300 ektarya iti kapada a lugar. Ti operasyon ket pangta iti nasurok a 600 pamilya a nakasanggir iti panagmula iti anestral a daga. Ti CMDC ket sanikua ti Asean Copper, a 40% daytoy ket sanikua ti maysa a kumpanya nga Australian.

Pammadayaw ken pananglagip kadagiti Martir ti Agosto ti Panay

ITI OKASYON TI umuna a tawen ti anibersaryo dagiti Martir ti Agosto ti Panay, sinublian ti Komiteng Rehiyon ti Partido Komunista ng Pilipinas iti Panay ti biag da. Nagisayangkat ti nadumaduma nga aktibidad ti rebolusyonaryo a tignay iti sibubukel nga Agosto, ken partikular a linagip da ti Agosto 26 nga Aldaw dagiti Martir ti Panay.

Dagiti Martir ti Agosto ti Panay ket pakabilangan ti 11 a Nalabbaga a mannakigubat ti New People's Army -Panay (Coronacion Waling-Waling Chiva Command) ken dagiti lider ken kadre ti Partido a namartir idi Agosto 2024.

Dandani makatawenen ti napalabas, inyulat ti National Democratic Front (NDF)-Panay a 10 kadagiti namartir ket tiniliw, tinortyur ken ingagara a pinatay ti militar, nga agdadata a panaglalsing iti internasyunal a makatao a linteg.

Kas pammadayaw iti amin a martir ti isla, nagisayangkat ti naulimek a 21-gun salute dagiti yunit ti NPA-Panay. Nagurnong met ti Kabataang Makabayan-Panay, Katipunan ng mga Samahang Manggagawa-Panay ken dadduma pay a rebolusyonaryo nga organisasyon ti masa tapno isayangkat ti pammadayaw.

40%

laeng ti **badyet para iti konstruksyon** ti imprastruktura ti mapmapan iti proyekto, ti dakdakkal a paset ket ibulbulsang dagiti burukrata kapitalista (manipud Malacañang agingga lokal a gubyrno) ken dagiti tau-tauhan da a kontraktor.

121 milimetro

ti tudo a nagbuyat iti maysa nga oras laeng idiay **Quezon City** idi Agosto 30, 2025 a gapu ti nakaro a panaglayus uray kadagiti lugar a sigud a saan a malaylayus.



7

dadakkal a barko a panggubat ti impaturong ti US iti kabaybayan ti **Venezuela** tapno pangtaan ti panagraut ti rehimen Maduro, babaen ti pinarbo nga akusasyon a ti pagilyan ket karaman iti ilegal a linnakwan ti narkotiko.



50

barko iti **Global Sumud Flotilla** ti naglayag agturong idiay Gaza tatta Setyembre tapno agitulod ti taraon ken dadduma pay a kasapulan ti umili idiay Gaza a biktima ti henosidyo ken panangbisin ti Israel. Ti flotilla ket dinar-ayan ti umili manipud iti 44 pagilyan, kabilang ti Pilipinas.

40+

ti agkakangina a lugan nga impannakel dagiti **Discaya**, pamilya nga addaan 9 a kumpanya a karaman iti panagkurakot ti pondo kadagiti proyekto a **flood control**.


500

ubbing a babae ti inaldaw nga **agpaspasngay iti pagilyan**. Nasurok kagudwa dagiti agsiksikog ket bunga ti panangrames dagiti ama, uliteg wenno lalaki a kabagyan da.

Nagtaudan: *Philippine Commission on Population*

Alipato
at Muog

pelikula panggep iti panangdukot ken panangpukaw ti AFP iti aktibista a ni **Jonas Burgos** a nangabak a Best Picture iti napalabas a Famas Awards. Nangabak met a Best Director para ditoy ti kabsat ni Jonas a ni JL Burgos.



4,567

ektarya a kabakiran ti dadaelen ti **Banahaw Wind Power Project** ti GigaWind4 Inc, maysa a subsidyaryo ti ACEN Corporation ti Ayala Group, iti nagbeddeng ti Sariaya, Quezon ken 10 barangay ti Tayabas City.

Nagtaudan: *Save Bundok Banahaw Network*

Maikadwa a paset:

Panagpalawa ti plantasyon a komersyal, pangta iti natural a kinabaknang ti pagilyan

Ipangpangas ni Ferdinand Marcos Jr a ti krisis iti klima ti maysa kadagiti kangrunaan a sungsubangan ti rehimen na. Iti panagpampamarang nga isuna ket mangisaksakit iti kalikasan, nu anya la dita nga ubbaw a proyekto a reporestasyon ti impatungpal ti rehimen babaen ti Department of Environment and Natural Resources (DENR). Kabilang kadagitoy a proyekto ti Expanded National Greening Program, "PagbaBAGo: A Million Learners and Trees", Green Samar Reforestation Project ken ti "Forests for Life: 5M Trees by 2028" a naisayangkat idi Marso 21. Kinapudno na, ti pudno a panggep dagiti proyekto a reporestasyon ket tapno usatan ti nabatbati a kabakiran ken prontera para iti "ligal" a panagserrek ti agkakadakkel a gangannaet a negosyo tapno kamamen ken aramiden a plantasyon ti nalalawa a kabakiran.

Daddadaelen da ti nalawa a kabakiran tapno isagana ti kadagaan para iti plantasyon dagiti kayo. Kadawyan nga maimulmula kadagiti plantasyon ken reporestasyon ket *falcata* ken kawayan gapu ta napas-pas dagitoy nga agtubo. Numanpay ti *falcata* ken kawayan ket natural a masarakan iti Pilipinas, ti panagmula kadagitoy iti saan da a pagtubtuban ket mangituntunda ti pannakada-dael iti *biodiversity* ken ekolohiya ti maysa a lugar. Adu a mula, ayup ken insekto ti mapatpatalaw ken matmatay gapu iti panagitakder kadagiti plantasyon. Kumapkapuy met ti kalidad ti daga, a makagapu ti kinalaka daytoy a margaay. Matmatyanan dagiti ubbog ken waig, ken gapu ta aduan ken "dayo" dagiti kayo a maimulmula, ag-agawan daytoy ti kinabaknang a mineral ti dadduma pay a mula ken kayo iti lugar.

Panaglawa ti plantasyon dagiti kayo


Idi 2021, inyawis ti DENR ti panagitakder ti plantasyon ti kawayan tapno padur-asen ti industriya daytoy iti pagilyan. Inikkan ti Southern Philippines Development Authority ti EcoPlanet Bamboo, maysa a kumpanya nga Amerikano, ti inisyal nga 8,369 ektarya idia Lanang del Sur tapno pagmulaan ti kawayan a pang-eksport. Adda iti 30,000 ektarya ti plantasyon ti kawayan ti kumpanya a CS First Green-Agri-Industrial Corp. idia Pangasinan. Plano met ti kumpanya a Kilambay Plantation Corp. a palawaen ti plantasyon da agingga ti 25,000 ektarya idia Mindanao, bayat nga addaanan ti 3,000 ektarya a plantasyon daytoy idia Carmen, Cotabato. Target met ti Department of Agriculture a mapalawa agingga 42,000 ektarya dagiti plantasyon ti kawayan iti tawen 2030.

Kabayatanna, ti *falcata* ti kaadwan a maiyeks-eksport a kayo ti pagilyan, kaadwan ket kadagiti pagil-

yan a China, Japan ken US. Kangrunaan a maar-aramid daytoy a papel, *plywood*, *pulpwood*, *veneer* ken muwebles. Paborable para kadagiti eksporter ti *falcata* gapu ta napas-pas daytoy a dumakkel. Mabalin daytoy nga apiten kalpasan ti 3-10 tawen, depende iti kayat a kalidad ti kayo. Kadakkelan a plantasyon ti *falcata* ket adda idia Davao Oriental nga addaan kalawa a 1,200 ektarya. Kaadwan met a plantasyon ket iti paset ti CARAGA nga adda iti kabuklan a 20,404 ektarya. Idi Hulyo, naiyanunsyo ti plano a panagtinnulong ti Misamis University ken DENR para iti panagitakder ti tallo nga ektarya a plantasyon ti *falcata* iti Barangay Capucan, Ozamis City. Iti plantasyon, plano da nga agmula ti 2,400 a nangato a kalidad ti *falcata* ken agpaadu ti bin-i daytoy para kadagiti pagmulaan ken plantasyon iti Region 10 ken dadduma pay a prubinsya idia Mindanao. Ti maysa a puon ti 10-tawen a *falcata* ket agbalor ti nasurok ₱12,000.

Iti linged ti "reporestasyon," al-allilawen ti rehimen US-Marcos ti umili a dagiti plantasyon a komersyal kas ti kawayan ket makakalikasan ken sungbat iti krisis iti klima ti pagilyan. Ngem ti mismo a panagitakder ti plantasyon ti mangperperdi iti kalikasan, imbes a biagen ken parukbosen ti natural nga ekolohiya ti kabakiran. Aglaplapusanan a ganansya, saan a panangtagiben iti kalikasan ti pudno a gagem dagitoy a plantasyon ti kayo.

Us-usaren ni Marcos ti pwersa a militar ken pulis tapno pagserbien a gwardya ken salaknib dagiti kapitalista. Saanen a mabilang a katutubo ken mannalon ti pinatalaw, inagawan ti daga, linipit, dinukot, pinilaan ti pinarbo a kaso ken pinapatay dagiti berdugo para iti interes ken higante a pastrek dagiti kapitalista.



Parigat ken pasista a rehimen Prabowo-Gibran ti Indonesia, dinarup ti protesta

Balbaliw a bintak idi Agosto ti protesta ti umili nga Indonesian laban kadagiti kontra-umili a patakaran ti presidente ti pagilyan a ni Prabowo Subianto ken bise presidente na a ni Gibran Rakabuming Raka. Kimmaro ti pungtot da kalpasan a talanan ti lugan ti pulis ken napatay ni Affan Kurniawan, maysa a *delivery rider*, idi Agosto 28. Manipud iti kabisera idia Jakarta, simmaknap dagiti protesta iti 32 prubinsya ken dagiti syudad ti Bandung, Surabaya, Malang, Solo, Yogyakarta, Medan ken Makassar.

Kadagiti naudi a protesta, imamatmat ti umili ti kinakaro ti pungtot da iti panangpuor kadagiti pangpubliko a pasdek, pasilidad ken lugan ken panangserrek da kadagiti balay ti kurakot nga upisyal ken pulitiko. Pinawilan ti rehimen Prabowo-Gibran dagiti protesta babaen ti *tear gas*, *water cannon* ken *rubber bullet*. Impauneg ti rehimen iti arig na linteg militar dagiti kalsada ken komunidad ken minandaran na ti pulis a mangaresto ken pumaltog kadagiti raliyista.

Dumanon iti 10 ti pinatay dagiti pwersa ti estado manipud Agosto 25 agingga Setyembre 2, bayat a 1,241 ti naaresto (kabilang dagiti naideklara a mapukpukaw) ken 800 ti nakaro a nasugatan.

Ti nanggangat kadagiti protesta ket ti rurod ti umili iti panangted ti rehimen ti binulan nga alawans para iti pabalay dagiti kameng ti parlamento, a 20 daras a nangatngato ngem ti minimum a sweldo dagiti mangmangged. Sabali pay ti sweldo da a 100 milyon rupiah wenno ₱350,000 kada bulan. Kagiddan daytoy, kinissayan ni Prabowo ti badyet para kadagiti rehiyon, a nangiduron kadagiti lokal a guberno nga agipataw ti nayon a buwis nga agingga 250%.

Ti rehimen ket binig a kagurgura dagiti Indonesian, iti laksid ti "popularidad" na kano idi mabotosan. Iti umuna a tawen na iti poder, nakumikom ni Prabowo iti panangbussog iti ga-

binete ken upisyal iti parlamento na. Pinalawa na ti bileg ti militar ken pulis tapno konsolidaen ti kontrol na iti estado. Kinonsolida na ti kurakot ken benepisyo babaen ti panangitakder ti BPI Danantara (National Sovereign Wealth Fund).

Nabayagen nga agburburek ti pungtot dagiti Indonesian iti kinainutil ti estado a sungbatan ti krisis iti pagbiagan ken ekonomya. Agkangkato ti presyo dagiti gagatangen ken serbisyo, gastos iti edukasyon ken salun-at. Adu ti awanan trabaho ken nasaknap ti kinaawan kasi-guraduan iti trabaho. Ti minimum a sweldo ket adayo a saan a makayanay iti kasapulan ti maysa a pamilya.

Malaksid iti nailyan a kabisera, nainget ti panaggundaway iti trabaho, panag-agaw ti daga dagiti gangannaet a korporasyon, nasaknap a panagpadisi kadagiti mannalon ken katutubo, panagdadael iti kalikasan ken kriminalisasyon iti panagsupyat kadagiti engrande a proyekto nga imprastruktura, minas ken plantasyon a rinugyan ti immuna a rehimen Widodo ken itultuloy ni Prabowo.

Pati idia Central Java, nagprotesta idi umuna a lawas ti Agosto ti 100,000 katao tapno laksiden daytoy a nayon a buwis ken irupir ti panangpadisi iti rehente (mayor) iti poder ken panagibasura iti daddumapay a kontra-umili a patakaran na. Idi Hulyo, nagprotesta met ti babasit a negosyante, dagiti mangmangged ken nakurapay a napatalaw tapno wayaan ti 1,175-ektarya a Mandalika Special Economic Zone, maysa a proyekto a megaturismo. Didiay met laeng a bulan, nagwelga dagiti mangmangged ti PT Huadi Nickel Alloy Indonesia laban iti nasaknap a panagikkat ken pwersado a panagpalangan iti trabaho nga awan ti negosasyon.

Dagiti protesta iti Indonesia ket nagani ti suporta manipud kadagiti umili kadagiti kabangibang a pagilyan iti Asia a makarikrikna ti kapada a krisis iti pagbiagan ken sumangsango iti kapada a represyon ken papisismo.

Nagidanun met ti pannakikaykaysa ti Communist Party of the Philippines (CPP) kadagiti protesta a kunana a mangpalpalatak iti nainget a tarigagay ti umili nga Indonesian para iti rebolusyonaryo a panagbalbaliw. Kas ti masa nga analing-et nga Indonesian, bakkaklayen ti Pilipino nga anakling-et ti dagsen ti saan a patas a sistema iti ekonomya, a pakpakarwen ti sangalubongan a krisis ti kapitalismo, bayat nga ag-

tultuloy nga agpappapas dagiti reaksyunaryo a dasig ken pulitiko.

Nadam-eg ti kondisyon idia Indonesia para iti nairteng a naindasigan a dangadang, saan laeng a babaen kadagiti protesta ti masa, nu di ket napatpateg, babaen ti armado a panaglapan ken gubat ti umili, segun iti CPP.

